

切眾生。速得除滅。無量劫來。十惡四重。五逆顛倒。謗毀三寶。一闡提罪。如是罪性。本惟空寂。但從虛妄顛倒心起。無有定實。而可得者。願一切眾生。速達心本。永滅罪根。

或一說，或三說皆可，下四亦然。

懺悔已。歸命禮三寶

此懺悔文，并下三願，皆出本經。但於惟願之前，撮略經中他處數語，以表說所作罪，一心仰告之意。餘皆一字，弗敢移異。

第七發勸請願

我弟子（□□）至心勸請。願令十方一切菩薩。未成正覺者。願速成正覺。若已成正覺者。願常住在世。轉法輪。不入涅槃。

勸請已。歸命禮三寶。

第八發隨喜願

我弟子（□□）至心隨喜。願我及一切眾生。畢竟永捨嫉妒之心。於三世中。一切刹土。所有脩學。一切功德。及成就者。悉皆隨喜。

隨喜已。歸命禮三寶。

第九發迴向願

我弟子（□□）至心迴向。願我所脩一切功德。資益一切